



Sarajevo, 08.05.2020. godine

MEDIJIMA

SAOPĆENJE ZA MEDIJE

Proglašeni dobitnici nagrade za najbolju novinarsku priču o procesu pristupanja BiH u EU za 2020. godinu

Direkcija za evropske integracije je povodom obilježavanja 9. maja – Dana Evrope, u saradnji sa Društvom novinara BiH i Ambasdom Švedske u BiH, organizirala izbor najbolje novinarske priče o procesu pristupanja BiH u EU za 2020. godinu.

Dobitnici nagrade su Tamara Ćuruvija, urednica emisije „Evropska unija i mi“ na Radio Televiziji Republike Srpske i Marko Mlikota, novinar internet news portala Bljesak.info. Tamara Ćuruvija, koje je osvojila najviše bodova Komisije za ocjenjivanje u kategoriji najbolja novinarska audio/video priča objavljena u elektronskom mediju i Marko Mlikota sa najviše bodova u kategoriji najbolja novinarska priča objavljena na internet news portalu, nagrađeni su laptopom. Najbolja video priča obrađuje temu usklađivanja zakonodavstva u BiH sa zakonodavstvom EU i značaj izrade Programa integriranja, a najbolja priča objavljena na internet news portalu govori o projektima prekogranične saradnje u okviru Instrumenta pretpristupne pomoći (IPA).

Na javni poziv za dodjelu nagrade, koji je bio otvoren od 31.10.2019. do 31.3.2020. godine, prijavljeno je ukupno devet novinarskih radova, a Komisiju za ocjenjivanje činili su: Mirela Ćosić, Marina Kavaz- Siručić, Suzana Mijatović, Arjana Tafro- Buljubašić, Verica Kalajdžić i Fedžad Forto.

Nagrada za najbolji rad objavljen u printanom mediju nije dodijeljena, jer nije bilo prijavljenih radova.

Video prilog o nagradi za najbolju novinarsku priču za 2020. možete pogledati i preuzeti na društvenim mrežama i Youtube kanalu Direkcije za evropske integracije.

Direkcija za evropske integracije BiH